

TOTIHITAWË THAMOTIMA THË Æ

PREÁMBULO

Enaha thë puhi taeo kuaai, wã rëamai thë, peheti he usukuwë thë, wã toprao thë kãi, hei thë pë nohi taemopou piyëkou, ïhĩ thë pë nohi ïhĩpimopouha totihitawë thamotima thë hami he usukuwë thë pë nohi taeayou totihitaopë,

Enaha thë puhi taeo kuaai, totihitawë thamotima thëni thë taimi ha, thë pë kãi shomiaprai ha, hei wãr̃tiwë thamotima thë kipi thaprarema. Komi pëmaki rë kui pëmaki kiriihou mai, pëmaki kãi no preaai mai pëmaki përihou piyëkopë, pëmaki ã topraopë, pëhetiapramotima thë pë hami.

Enaha thë puhi taeo kuaai, totihitawë thamotima thë rë wã nosie huamotima thëni thë nohi thapopë, komi urihitheri thë pë no yuayou maõpë,

Enaha thë puhi taeo kuaai, thë pë përihiwë rë piyëkëi thë pë puhi taamayõpë thë pë r̃mimayõpë,

Enaha thë puhi taeo kuaai, komi urihitheri ONU thë ha thë pehetiaprαιhe, totihithawë thamotima thë hami, suwë wãro pei pëmaki no rë kui thë pë no ã hë usukuwë, kama pëni thë ã wawemarëmahë thë pë puhi rë taamaïwëĩ,

Enaha thë puhi taeo kuaai, komi urihitheri pë rë kui ONU thë iha thë pë ã wawëtokema totihitawë thë ã nosi riã ha poheni,

Enaha thë puhi taeo kuaai, thë pë ã rë wawëtokenowëĩ thë pëni thë ã h̃r̃iapehe thë ã nosi kãi popehe

Ïhĩ thë no ã ha TOTIHITAWË THAMOTIMA THË Æ wëyëi piyëkouhe.

Hetipëtëwë 1

Kõmi thë pë rë përiprawë rë piyëkëi, he usukuwë thë pë keprou ai thë ã rëamaihã no ã heparohowë, totihitawë thë pë riã rë thaiwehei hami, thë pë puhi tao kãi përihiwëha, thë pë puhi kãi katehewëha hawë kama thë pë mashi sh̃ro përihimopë.

Hetipëtëwë 2

Kõmi thë pë ihami totihitawë thamotima thë kuprawë , thë ã rë maiha thë pë përiprawë, wã katehano thëni thë wãhã no wayoano, suwë, wãro, pei kahi, thë pë rë reahumouwëĩ, napë thë ã, no matohipi, no preaarewë, thë pë rë kepronowëĩ hami, ai thë pë sho, shomi urihitheri himayõumahëĩ.

Kõmi thë pë ihami totihitawë thamotima thë kuprawë , thë ã rë maiha thë pë përiprawë, ma kui ai thë pëni thë pë urihipi rëpoumakuhei thë pë riã përio toprao he yatio.

Hetipëtëwë 3

Yãmi kõmi thë pë ihami totihitawë thamotima thë kuprawë thë pë rë përiaiwei thë pë kuprawë, ai thë ã rëamai, peheti thë pë rë përiaiwei.

Hetipëtëwë 4

Ai thë pë iha horemou wamaki no ohotamopi mai, horemou ohotamomamotima thë thamai puhiomi he parohowë.

Hetipëtewë 5

Thë pë shëmou taomi, thë pë wãhã kãĩ wãrĩhĩthomamou taomi, thë pë shëmou wãrĩtai taomi.

Hetipëtewë 6

Thë pë përiprawë rë piyëkëi thë pë ihami totihitawë thamotima thë kuprawë, thë pë nohi riã hatukëmopou piyëkou.

Hetipëtewë 7

Wã nosie huamotima a hami, komi hititiwë thë pë he usukuwë, thë pë nohi kãĩ thapou piyëkou. Hei wã katehano thë rë kui thëni, hititiwë wã nosie huamatima ani wãrĩhĩtho thamotima thë hami, thë pë he komi rupou piyëkou; wãrĩhĩto thamotima thë hami thë pë no yuo maõpë.

Hetipëtewë 8

Komi hititiwë thë pë rë kui, thë pë payeriopë nohi thaporewë pata pëni, pë nohi rë hatukëawei kama urihithëri thë pëni, totihitawë thamotima thë wãrĩhĩtho thai maõpehe.

Hetipëtewë 9

Enaha pëtawë thë pë huëamou taomi, thë pë kãĩ ôkamopou taomi ai thë urihi hami thë pë shimamou ayao taomi.

Hetipëtewë 10

Komi hititiwë thë pë ihami, totihitawë thamotima thë kuprawë, thë pë he pruka usukuwë, nohi thaporewë pata pë mithari hami, thë a riã hai thë a riã ha hĩrĩãmoni thë rë thanowëĩ thë hami thë wãhã no wëyëihe tēhë, thë no ã he riã ha ruoni.

Hetipëtewë 11

Hititiwë thë pë rë kui thë pëni ai thë ma thamonomai thë pë wãhãno wëyëihe tēhë thë pehetiaprai haia maheĩha thë shurukuamou haio taomi. Nohi thaporewë pata pëni thë pehetiaprai haia maheĩha pë noa napëmou taomi.

Thë pë wãhãno wëyëyono ma mai, thë pë wãhãno wëyëyou, enaha thë thamou taomi. Hapa hote wãrĩtiwë thë ani hei tēhë thë wãrĩtiwë he parohowë thë thamou taomi.

Hetipëtewë 12

Ai thë puhi pëtouha ayaroni, thë pë yahipi hami, thë he haprou ayao taomi, therihë pë ihami kãĩ, õniõni a shimaihe tēhë thë kãĩ mii pario ayao taomihe, komi thë pë mithari ha wa thë wãhãno wëyëi ayao taomi. Ĩhĩ thë pë hami totihitawë thamotima thë rë kui wã nosie huamotima thëni thë pë nohi thapou piyëkou.

Hetipëtewë 13

Hititiwë thë pë ihami totihitawë thamotima thë kuprawë, ai thë ã rëamaihã thë pë riã huu piyëkou, wa thë nohi rë përipouwei thë urihi ha thë pë kãĩ riã shaponomou.

Hititiwë thë pë ihami totitihitawë thamotima thë kuprawë ĩhĩ thë no ãhã thë pë rë përihiwë rë piyëkëi thë pë urihipi hami, thë pë kãĩ riã huu, thë pë urihipi nohi kãĩ rë përiprai, thë pë urihipi nohi kãĩ riã kōõ mi yapao.

Hetipëtëwë 14

Ai thë yapëkamahe tëhë, kōmi hititiwë thë pë ihami totihitawë thamotima thë kuprawë thë pë rë hithëpraamaiwëĩ a urihi ha, ĩhĩ ã hã thë pë ã riã topiao, shomi thë pë urihipi hami kãi.

Hei a hami totihitawë thamotima thë rë kui thë wãhã pomou taomi thë kãi puhipramou taomi, wã nosie huamotima nohi thapowë pëni thë pë huëmamaihë tëhë peheti kōmi yapëkamotima thë pë hami pei thë hapa rë hupëtarenowëheĩ thë pëni kãi.

Hetipëtëwë 15

Hititiwë thë pë ihami totitihitawë thamotima thë kuprawë, kama urihi theri thë pë wãhã hirou katitou.

Thë puhi pëtouha ayaroni kama urihitheri thë rë kui thë mapramai ayao taomi, totihitawë thamotima thëni hawë kama e thë wãhã riã hiroprou kuo.

Hetipëtëwë 16

Wãrõ, suwë pë sho, kama huya thë pë riã rë toayouwei hami totihitawë thamotima thë kuprawë ai thë ã rëo taomi. Ai thë ã rëamaihã suwë, wãro pë sho thë pë riã toayou, kama theri thë pë wãhã hirou, reahumotima kama urihithëri, ĩhĩ thë pëni totihitawë thamotima thë hami thë pë ã rëo taomi, kama thë pë mashi riã kuprou. Shoati totihitawë thamotima thë ha thë pë ã riã topiao, thë pë toayou pario tëhë, thë pë ã topiao rë kuonowëĩ naha, thë ã riã topiao kuo shoao.

Kama këkipi rë puhyouwei, peheti këkipi riã toayou.

Kama thë pë mashi shĩroni pë shapono praukamaihë ĩhĩ thë no ãhã totihitawë thamotima thë rë kui, kama urihitheri thëni thë nohi thapouhe, kama thë pë shaponopi kãini.

Hetipëtëwë 17

Hititiwë thë pë rë kui thë pë matohipi riã kuo, totihitawë thamotima thë ha, thë pë rë perihii hami kama thë pë urihipi riã rii kuomopotayou.

Pei thë puhi pëtouha ayaroni thë pë matohipi riã rëmaimihe thë pë rë perihii hami urihi ã kãi rëmai taomihe.

Hetipëtëwë 18

Hititiwë thë pë rë kui ai thë ã rëamaihã totihitawë thamotima thë ha thë pë puhi tao kãi riã përio, reahumotima thë hami, thë pë puhi katehewëha; totihitawë thamotima thë ha thë ã kãi koyokoa reahumotima wa thë riã rë hemihipraiwei, ai thë ã rëamaihã thë riã owëmamou komi thë pë mithari ha thë kãi riã owëmaihe, thë pë hirayou tëhë, thë pë owëmayõũ tëhë, peheti thë ã huamou sharirou ha.

Hetipëtëwë 19

Ai thë ã rëamaihã hititiwë thë pë rë kui yãmi thë pë puhi riã piyëkou, thë wãhãno riã rë wayoiwehei; ĩhã thë ã kãi koyokoa thë ã hai tëhë thë ã nohi wãrimopou taomi, ma kui yaniki thë riã wãrimou kuaahërii, thë ã riã opisi tëamou kuaahërii, thë ã riã wëyëmou piyëkou wãnoshimamotima thë pë hami.

Hetipëtëwë 20

Hititiwë thë pë ihami totihitawë thamotima thë kuprawë ai thë ã rëamaihã thë pë ã riã wayou kãi yototai thë pë riã rë thaiwehei thë pë wãhãno wayoaihe ha.

Ai thëni yototamotima thë hami thë shimai ayao taomi.

Hetipëtëwë 21

Hititiwë thë pë ihami totihitawë thamotima thë kuprawë patamorëwë thë pë rë kui thë pë ã wayou kãi riã roaai narëo kama peni a pata rë thanowëhëi pë mithari ha kãi.

Hititiwë thë pë ihami totihitawë thamotima thë kuprawë kama thë pë rë përiprai hami thë ohotepi rë shatiprai, thë pë riã ohotamou toaai.

Patamorëwë thë pë rë kui, thë pë shaponopi kãi rë përiowei thë pë iha thë pë patamou. Ei thë rë kui thë pë shaponopi kãi rë përiowei thë peni thë pë wãhãno ha wayoaheni thë yaiaprai shoahe yaiamotima thë kuo tëhë thë pë yaiamou hãtho.

Hetipëtëwë 22

Hititiwë thë pë ihami totihitawë thamotima thë kuprawë kama thë pë rë përiprai hami pata thë pëni thë pë nohi kãi hatukepopehe, ai urihiheri thë pë patani thë pë nohi kãi hatukëpopehë, thë pë puhi topramapopehe, ïhï thë nohi yaimopou thë pë puhi wetinhamou maopë, peheti thë pë përihopë.

Hetipëtëwë 23

Hititiwë thë pë ihami totihitawë thamotima thë kuprawë, thë pë urihipi riã hupëo, ai thë ã rëamaihã thë ohotepi hurimopë, thë prewë thaporahe, pata thëni ohotamorëwë thë pë rë kui thë pë nohi pëyëpou thë pë ohotepi kuo maopë tëhë.

Hititiwë thë pë ihami totihitawë thamotima thë kuprawë, thë pë ohotamou he usukuwë rë kurenaha thë pë no kãi koo he usukuopë.

Hititiwë thë pë ihami totihitawë thamotima thë kuprawë he usukuwë thë pë no koo, thë pë puhi kãi owëhëo, kama pë shïro rë kui e pë puhi kãi përio mi hetuopë e thëki peheriproimiha pë kãi rë përiowëini ai e thëki he riã tikëai e thëki he usukuopë.

Hititiwë thë pë ihami totihitawë thamotima thë kuprawë, sindicato thë pë riã thayou, thë pëhe rumopopë.

Hetipëtëwë 24

Hititiwë thë pë ihami totihitawë thamotima thë kuprawë, thë pë washimi horuu yänikio pariopë, thë pë riã huu toatarou, toprao thë pë kãi rë ohotamonowëi thë no kãi riã kooamamou thë ma yänikia parirani.

Hetipëtëwë 25

Hititiwë thë pë ihami totihitawë thamotima thë kuprawë, thë pë riã përio toprao kama theri thë pë shïro sho, nii pë hami, yahi pë sho, thë pë kãi temio topraopë, thë pë kãi titihopë, thë pë nohi kãi rë yaimopouwei thë pë sho. Enaha hititiwë thë pë pehi totihitawë thamotima thë ha thë kua thë pë rë ohotamoumai, pë rë shawarapiwei, thë pë no rë huwëmai, thë pë he rë paharaprai, thë pë rë wãrô rë patai, thë pë suwe kãi rë patai, ai thë pë wãrïtiwe kãini thë pë pehetipopehe.

Suwë shipënapï thë pë rë kui, ihiru, marãnapï, suwëhëri marãnapï thë pë komi sho, totihitawë thamotima thëni, thë pë nohi thamopou topraopë. Hititiwë ihiru hïpi kua pë

rë keprouwei, pë hĩpi ma kua mai pë kãĩ rë keprouwei, totihitawë thamotima thë kuprawë peheti pë nohi kãĩ thaprawë.

Hetipëtewë26

Hititiwë thë pë ihami totihitawë thamotima thë kuprawë, thë pë kãĩ hirayopë. Hiramotima thë pë rë kui, nomraiha thë pë hiramou pariopë. Hiramou pariotima thë hami thë pë ihirupi shimio he parohoopë. Hiramou pariotima thë nohã hami ĩha hititiwë thë pë ãnimou taai he parohoopë; ãnimou pata thë rë kui hititiwë thë pë pehi ma kui thë pë puhĩ moyãwei rë thë pë pehi shĩro kuopë.

Hiramotima pë hami, puhĩ tao thë pë kupropë ĩhĩ thë no ãhã totihitawë thamotima thë pë nohi asipopehe ai the ã rëamai thë sho; thë pë rë përiprawë piyëkëi thë pëni, thë pë nohi kãĩ rë yaipouwehei thë pë hami, thë pë no ĩhĩpipopehe, thë pë kãĩ puhipoyopë, O.N.U. thëni thë thamai rë puhiiwei thë ã riã praukamai ha piyëkoni, thë pë ã riã topmapou ha totihioni.

Pë nĩ, pë hĩ thë pëni e thë hiramai shi rë topaowehei e thë hiramai puhipehe.

Hetipëtewë 27

Komi hititiwë thë pë ihami totihitawë thamotima thë kuprawë, thë pë rë përihii thë pëni thë pë rë tai rë piyëkouwehei thë pë hami ai thë ã rëamaihã, thë pë no riã taayou, thë pë a kãĩ riã topiao, matohi pë rë thanowëhëĩ pë hami, ĩhĩ thë pë matohi ha thë pë ã riã topiarou.

Hititiwë thë pë ihami totihitawë thamotima thë kuprawë , thë pë nohi thaopë, kama thë pëni thë pë rë thaiwehei thë pë hami, thë kãĩ rë ãnimaiwëhëĩ thë pë hami, noshiharirawë thë pë kãĩ rë kopemaiwëhëĩ hami kãĩ.

Hetipëtewë 28

Komi hititiwë thë pë ihami totihitawë thamotima thë kuprawë ai thë pëni thë ã rë thaiwehei, thë ã nosi popehe.

Hetipëtewë 29

Komi hititiwë thë pëni ohote thë huripehe kama thë pë shaponopi hami, ĩhĩ pë shapono hami topiao thë pë parahërii.

Totihitawë thamotima thë hami thë pë rë wapëohëriiwei ai thë pë ihami totihitawë thamotima thë pë kãĩ kuprawë, ĩhĩ ei thëni thë nohi hatukëmapou totihitawë thamotima thë rë kui ai thë ã reamai thë sho. Mihi totihitawë thamotima thë hami peheti thë pë kuaahërii, yaiamotima thë hami thë pë rë patamou thë kuo tēhë.

Hei totihitawë thamotima thë rë kui ai thë ã kua mai thë pë sho O.N.U. thë rë kuuwei thë ã nohi wãĩpou taomi.

Hetipëtewë30

Thë pë rë përihouwei thë pëni, yototarewë pëni , ai yãmi thëni wa katehano thëni totihitawë thamotima thë wãhã no wëyëi ha ai thëni thë wãhã nohi taeai taomi, thë wãhã kãĩ hemhiprai ayao taomi.